

և հանապազ ի սուզ եւ ի տրամութիւն էի
անմխիթար :

ԲԱԼՈՒ

Եւ կալայ անդ ասորի մի վարձով, որ զի-
տէր քրդերէն եւ հայնակ. եւ անցեալ զպատ-
վական ԵՓՐԱՏ գետն իրեք անգամ. մինն
քրդու շալկով, միւսովն՝ կէմով. եւ էր ջուրն
յոյժ քաղցրահամ եւ սազ, որ թէ գառ մի ու- 5
տես եւ ըմպես՝ մարսես : Եւ անտի օրուկէսն
ի ԲԱԼՈՒ խասապան՝ բազում Հայոց գեղո-
րօք : Եւ էր Բալուն իրրեւ կղզի, զի Եփրատն
բոլորեալ էր զնայ, սակաւ մի ցամաք մուտ
ունի. եւ ունէր սիփրի բարձր անառիկ բերթ 10
մի որպէս Օսմանճուխին. եւ կայր անդ եկե-
ղեցի մի եւ աղօթատեղ Մեսրոբ վարդապե-
տին, զոր մտեալ ի ներս՝ աղօթեցաք, մեղաց
թողութիւն խնդրեցաք մեղ եւ մեր ննջեցե-
լոց : Եւ հանդէպ նմին կանգնած վէմ մի կայր, 15
որպէս տապան Հրէից. եւ ի վերայ զիւր, զոր
ոչ կարացաք ընթեռնուլ. եւ ասին թէ այս
նշանազիրքն են, որ յԱստուծոյ տվաւ Հայոց :
Եւ էր Ը եկեղեցի Հայոց վիմաշէն գեղեցիկ եւ
նոր. եւ մին մէջիթ Քրդաց. եւ այն անարգ եւ 20
յարդով ծածկած, պատերն ջաթնէ : Բայց զի-
նին խիստ շատ, զի այդիք յուրովք են եւ կա-
քաւք բազում եւ գէր, իրեք, չորս մէկ վա-
րայ : Կացի անդ շաբաթ մի, եւ այլ մարդ
վարձեցի, զի նա (ասորին) դարձաւ ի տուն : 25

1 կալա : — 2 քրթերէն : — 4 քրթու : — 5 ոյժ :
— 20 բրթաց : — 21 ծածկաց : — 22 կաղաւք :